

**AFERE**

Sumnja se da je konkurs za šefa sigurnosti namješten

# SIPA istražuje zapošljavanje u Centralnoj banci BiH

U toku je radnopravni spor s jednim uposlenikom, kažu iz CBBiH • Zašto je Tužilaštvu BiH otišla prijava i koje se još nezakonitosti istražuju

Pripadnici Državne agencije za istrage i zaštitu (SIPA) zatražili su prije nekoliko dana od Uprave Centralne banke (CB) BiH u Sarajevu da im se dostavi sva dokumentacija vezana uz imenovanje šefa sigurnosti u ovoj instituciji, saznaje „Dnevni avaz“.

## Oštećen i prevaren

Iz SIPA-e su od Centralne banke tražili ove podatke nakon prijave jednog od uposlenika, koji tvrdi da je konkurs namješten, zbog čega je Tužilaštvu BiH i policijskim agencijama predočio i obimnu dokumentaciju. Po nalogu SIPA-e, Uprava CBBiH dostavila je tražene dokumente, tačnije kompletnu konkursnu proceduru za imenovanje na ovu rukovodeću poziciju.

Nezvanično saznajemo da je prijavu uputio jedan sindikalista. On se i prijavio na ovaj konkurs, ali nije izabran, zbog čega smatra da je oštećen i prevaren.

Iz CBBiH jučer su zvanično pojasnili da je u toku radnopravni spor s jed-



Centralna banka BiH: Radnici šalju prijave

nim uposlenikom te da su postupili u skladu s pisanim zahtjevima SIPA-e.

- Centralna banka BiH protokolom je dostavila traženu dokumentaciju za

## Gubitak za pola godine 3,4 miliona KM

Centralna banka BiH prvo polugodište ove godine završila je s gubitkom od 3,4 miliona KM. To je prvi put u historiji ove institucije da je poslovala s minusom.

Nezvanično, to je jedan od razloga zašto je linear-

no svim uposlenicima umanjena plaća za deset posto. Uprkos tome, Uprava CBBiH namjerava navodno kupiti zgradu na Palama te prostor u Sarajevu za gradnju ispostave za glavni grad BiH.

## Ko je ukrao agregat

Radnici su tražili u prijavi i da se ispita „kako je inspektor za požar naredio da se iz kruga banke izmjesti veliki agregat i 50

tona goriva“. Kasnije je utvrđeno da je agregat nestao, navodno je jednoj firmi s Pala plaćeno da odveze gorivo.

taj predmet, te je to sva komunikacija o tom pitanju naveli su iz CBBiH.

## Trošenje novca

Prema saznanjima „Dnevni avaz“, osim zapošljavanja, po prijavama radnika iz CBBiH u Tužilaštvu BiH se radi na još nekim predmetima koji se odnose i na netransparentno i nezakonito

trošenje novca, nezakonit prijem radnika...

Prijave se, navodno, odnose i na dodjele posla jednoj firmi za pranje fasade, jer joj je isplaćeno 100.000 KM, a da nikad nije raspisan tender za ovu vrstu posla. Iz CBBiH jučer do zaključenja ovog izdanja našeg lista nisu odgovorili na naše upite o ovim navodima.

M.Aš. - S.N.